

欽依降做副千戶仍發運糧不係常例查得天順七年九月內  
該總督漕運都察院右副都御史王琥奏議事件  
內開今後運糧官旗軍全有犯笞杖罪者官旗照  
例納鈔的決各還職後若雜犯死罪徒流罪照例  
運碑運灰納米做工等項發落係是見行事例今署  
節督僉事楊茂奏言前因合無今後運糧軍職有  
犯棄撤缸糧拐帶輕齎銀兩在逃者照依為事官員  
在逃事例案職為民另取應襲之人承襲旗軍舍余  
漕運衙門拏問明白與軍職有犯罪名俱照見行事  
例發落其官旗中間各有好頑玩法累犯不悛情重者  
拏問明白宜從總兵總督漕運具實奏

聞區處

軍職犯不孝并敗倫傷化者發回原籍為民子孫承襲例  
成化五年九月二十六日太子少保兼兵部尚書白等題為  
從工囚人事武選司案呈准刑部江西司手本問得犯人  
劉全招係直隸保定府定興縣人襲任府軍前衛中所  
百戶狀招高祖劉宗信生曾祖劉甫成并族曾祖劉懷  
劉奉先劉甫成生祖劉英劉黃生父劉雄劉懷生族叔  
祖劉賢劉賢生劉旌叔劉能洪武年間蒙撥種徵糧民地  
十頃俱同居耕種當差後曾祖劉甫成僉充鼓手節因  
征進有功歷陞前職有劉奉先梁克保寧衛衛軍政伊  
曾孫族弟劉昇替役族叔劉能在原籍認納民差與劉  
昇等耕種祖遺前地時常來京供貼盤纏成化四年十月  
十二日全不合越關前往本縣問劉能各房取討盤纏劉  
能等各駁雜糧十五石本年十二月十七日劉能將前項雜

糧裝戴與全喝趕驛車一輛各不合越閩來京供送嫌  
少欠不合將劉能罵車驛一頭指留不與聲言你每種着  
我祖父田地忘磨只供送些少糧食不與你驛去子無事  
劉能與怕當備白銀二兩與全贖取前驛是全仍前  
不與劉能責罵全明知劉能係是本宗族叔却又不合  
回罵就將劉能揀打致將左眼打傷被劉能不甘將情告  
奏法司奏提全研審明白取問罪犯議得劉能所犯除越  
閩等輕罪外合依卑幼毆本宗總麻尊收加毆本宗兄  
弟一等律減等杖一百照例運木和炭完日還錢等因准此  
查得宣德四年二月二十二日欽奉

宣宗皇帝勅諭兵部今後軍官及其子弟有犯不孝并承父  
妾收兄弟之妻凡敗倫傷化者如律罪之不許復職承  
襲求為定制欽此欽遵續該本部會官議得軍官并子

孫弟姪有犯不孝及敗倫傷化者若俱不准襲替發回  
原籍為民恐因子孫不才有員前人勤勞合無軍官犯  
罪本身如律罪之不許復職許子孫承襲如嫡長子有  
犯許令嫡次子孫承襲正犯人口發遣原籍為民不許與  
見任同處宣德十年三月初五日奏奉

英宗皇帝聖旨是欽此欽遵外令該前因案呈到部參照百  
戶劉全係居官食祿之人自合恪遵法律却將劉能毆打  
法司問擬明白送來還職緣有前項事例正係敗倫傷化  
人數雖以准令復職欲將本官照例革去職事登回原籍為  
民另取應襲之人承襲緣劉全係軍職具題奉  
聖旨是欽此